

# MEMBINA KEMAKMURAN NEGARA

## 8.1 Pembentukan Dasar Ekonomi Baru (DEB)

- Dilaksanakan dalam tempoh 20 tahun sebagai rancangan pembangunan ekonomi dan perpaduan negara.
- Dirancang melalui Rangka Rancangan Jangka Panjang Pertama (RRJP1) yang merangkumi 4 Rancangan Pembangunan Lima Tahun Malaysia.
- Bertujuan memulihkan ketidakseimbangan sosioekonomi yang wujud antara kaum, antara wilayah dan antara kawasan dalam wilayah yang sama.



## Latar Belakang Pembentukan

Majlis Perundingan Negara (MAPEN)

- Ditubuhkan pada Januari 1970.
- Ditubuhkan untuk mengadakan garis panduan bagi kerjasama antara kaum dan integrasi nasional untuk memupuk identiti kebangsaan dalam kalangan rakyat.
- Terbentuk 1 dasar ekonomi negara yang dikenali sebagai DEB.
- Pakar terlibat dalam merancang dan merangka dasar ini: Dr. Rais Saniman (Malaysia), Dr. Just Faaland (Norway), Dr. Jack R. Parkinson (Britain).



# Matlamat Dasar Ekonomi Baru (DEB)

## Strategi Dasar Ekonomi Baru (DEB)

Membasmi kemiskinan dengan menambahkan pendapatan dan memperbanyak peluang pekerjaan kepada rakyat tanpa mengira kaum.

Menyusun semula masyarakat untuk mengurangkan dan menghapuskan pengenalan kaum mengikut fungsi ekonomi.

Jurang sosioekonomi antara bumiputera dengan bukan bumiputera.

Jurang sosioekonomi antara pantai timur dengan pantai barat.

Jurang sosioekonomi antara masyarakat desa dengan bandar.

Jurang sosioekonomi antara negeri.

Isu  
Sosioekonomi

## 💡 Informasi

Rancangan Pembangunan DEB yang dijalankan di bawah DEB:

1. Rancangan Malaysia Kedua (1971-1975)
2. Rancangan Malaysia Ketiga (1976-1980)
3. Rancangan Malaysia Keempat (1981-1985)
4. Rancangan Malaysia Kelima (1986-1990)

## 8.2 Pelaksanaan Dasar Ekonomi Baru (DEB)

### ★ Meningkatkan Taraf Hidup Rakyat

Luar Bandar	Bandar
<ul style="list-style-type: none"><li>• Tumpuan diberi kepada penduduk miskin yang terdiri daripada petani, pekebun getah dan kelapa, nelayan, buruh dan penduduk kampung baharu.</li><li>• Usaha pembangunan dilakukan menerusi kegiatan Gerakan Koperasi yang sedia ada di luar bandar.</li><li>• Program yang dilaksanakan termasuklah penerokaan tanah baharu, bantuan peralatan pertanian, khidmat nasihat, subsidi benih dan baja, kemudahan kredit, pemasaran dan pusat kemajuan peladang.</li></ul>	<ul style="list-style-type: none"><li>• Penduduk bandar menghadapi kemiskinan disebabkan pendapatan rendah dan masalah perumahan.</li><li>• Usaha dilakukan oleh kerajaan untuk memajukan pelbagai jenis perindustrian dan perniagaan pekerjaan lebih banyak dan meningkatkan pendapatan golongan miskin pelbagai kaum.</li><li>• Golongan ini disediakan kemudahan asas seperti pendidikan, bekalan air dan elektrik, jalan raya, bantuan biasiswa dan buku teks percuma, makanan tambahan kepada kanak-kanak dan program rumah murah.</li></ul>

## ★ Rancangan Buku Hijau

- Dilancarkan oleh Tun Abdul Razak Hussein pada 20 Disember 1974.
- Matlamat: Untuk menambahkan pendapatan rakyat dan pengeluaran bahan makanan supaya cukup untuk keperluan negara.
- Memberi tumpuan kepada penggunaan tanah yang sepenuhnya.
- Mengusahakan tanah dengan tanaman jangka pendek, perkebunan berkelompok, penternakan, pemasaran yang baik dan projek kecil yang lain.

## ★ Peranan Agensi Kerajaan

Ditubuhkan untuk:

- Mempelbagaikan kegiatan ekonomi yang boleh menambahkan pendapatan rakyat dan membuka peluang pekerjaan yang lebih banyak untuk semua kaum.
- Memberi bantuan dari segi peralatan, bijih benih, kemudahan pinjaman dan khidmat nasihat.

<p><b>Lembaga Kemajuan Ikan Malaysia (LKIM)</b> - Untuk meningkatkan taraf hidup nelayan dan memodenkan industri perikanan.</p>	<p><b>Lembaga Pertubuhan Peladang (LPP)</b> - Untuk membantu pekebun kecil, petani dan peladang yang terlibat dalam kegiatan koperasi.</p>
<p><b>Lembaga Beras dan Padi Negara (LPN)</b> - Untuk mengawal selia sektor padi dan beras serta menstabilkan harga padi. - Dikenali sebagai Beras Nasional (BERNAS) pada 1994.</p>	<p><b>Pihak Berkuasa Kemajuan Pekebun Kecil Perusahaan Getah (RISDA)</b> - Untuk membantu dalam penyelidikan dan penanaman semula getah.</p>

## Lembaga Kemajuan Tanah Persekutuan (FELDA) dan Pembangunan Tanah

- Pembukaan tanah baharu untuk pertanian dilakukan dengan teratur.
- Penduduk luar bandar yang miskin dipindahkan ke kawasan FELDA.
- Mereka diberi tanah seluas 10 ekar untuk diusahakan dengan tanaman kelapa sawit, getah dan rumah kediaman.
- Terdapat kemudahan seperti klinik, sekolah, pengangkutan dan koperasi FELDA.
- FELDA menjalinkan kerjasama dengan kerajaan negeri bagi meneroka pembukaan tanah baharu untuk pertanian.
- Di Sabah, kerjasama FELDA dengan Yayasan Sabah telah membawa kepada pembukaan Felda Wilayah Sahabat (Lahad Datu) dan Felda Umas (Tawau).
- FELDA mengadakan kerjasama dengan Sarawak melalui Sarawak Land Consolidation dan Rehabilitation Authority (SALCRA) untuk pembukaan ladang kelapa sawit.

- FELDA yang menerima peneroka pelbagai kaum: Felda Lurah Bilut (Pahang), Felda Keratong (Pahang) dan Felda Sendayan (Negeri Sembilan).

### Pembangunan Wilayah

- Lembaga Kemajuan Johor Tenggara (KEJORA)
- Lembaga Kemajuan Terengganu Tengah (KETENGAH)
- Lembaga Kemajuan Pahang Tenggara (DARA)
- Lembaga Kemajuan Kelantan Selatan (KESEDAR)
- Urban Development Authority (UDA)/ Perbadanan Pembangunan Bandar
  - Berperanan dalam sektor pembangunan industri dan pembangunan bandar baharu.
  - Contoh: Bandar Tun Hussein Onn (Cheras dan Bandar Baru Uda (Skudai)



## Pemilikan Modal Saham

- Usaha dilakukan untuk menambah pemilikan modal saham bumiputera dalam sektor korporat bagi mewujudkan Masyarakat Perdagangan dan Perindustrian Bumiputera (MPPB) melalui penubuhan Permodalan Nasional Berhad (PNB) pada 17 Mac 1978.
- Amanah Saham Nasional (ASN) dan Amanah Saham Bumiputera (ASB) dilancarkan untuk memudahkan kaum bumiputera memiliki saham dalam syarikat berhad.
- Kaum bukan bumiputera turut diberi peluang dalam pemilikan modal saham dengan pengenalan Manah Saham Malaysia.



Logo Amanah Saham Nasional dan Amanah Saham Bumiputera

## Pengenalan Industri Kecil dan Sederhana (IKS)

- Industri ini meliputi kraf tangan, makanan, pakaian dan inap desa.
- Antara IKS yang berjaya termasuklah Best Farm Co., Nurul Food Industry Enterprise, Ramly Food Processing Sendirian Berhad dan Faiza Marketing Sendirian Berhad.
- Pinjaman, insentif dan nasihat diberikan melalui Bank Bumiputera (1965), Perbadanan Nasional Berhad (1969), Bank Pertanian Malaysia (1969) yang kini dikenali sebagai Agrobank, Skim Pinjaman Khas Pertanian (1970) dan Amanah Ikhtiar Malaysia (1987).

## Pendidikan Tenaga Kerja Mahir

- Asas kepada latihan kemahiran ini diberikan sejak di bangku sekolah melalui mata pelajaran Kemahiran Hidup.
- Pendidikan menengah atas dibahagikan kepada 2 jurusan: akademik dan vokasional.
- Bagi memenuhi keperluan ini, sekolah teknik dan vakasional, Maktab Perguruan Teknik, politeknik, Universiti Teknologi Malaysia dan Universiti (Institut) Teknologi Mara ditubuhkan.
- Kursus kemahiran ditawarkan dalam pelbagai bidang untuk menampung permintaan terhadap tenaga kerja mahir.



(Dari kiri) Politeknik Ibrahim Sultan, Pasir Gudang, Johor; Kolej Vokasional Taiping, Perak.

**Yayasan Sabah** ditubuhkan pada tahun 1966 bertujuan menyediakan peluang pendidikan untuk rakyat Sabah dan mewujudkan peluang bagi pengagihan kekayaan ekonomi yang seimbang dalam kalangan rakyat Sabah. Kini Yayasan Sabah meluaskan operasinya yang meliputi perladangan agro, perkapalan, pembangunan hartanah, industri makanan, perikanan dan industri minyak.

**SALCRA** ditubuhkan pada tahun 1976 serta terlibat dalam aktiviti perhutanan, perladangan dan pertanian. Ladang kelapa sawit diusahakan di wilayah Bau-Lundu, Serian, Sri Aman dan Saratok-Saribas, Sarawak.

Lurah Bilut di Bentong, Pahang telah dipilih oleh FELDA sebagai rancangan pembangunan tanah secara berkelompok yang pertama ditubuhkan pada tahun 1957. Pada peringkat awal, bilangan peneroka terdiri daripada kaum Melayu seramai 400 orang, kaum Cina 169 orang dan kaum India seramai 47 orang. Semua kerja pembinaan rumah dan penanaman getah dilakukan secara bergotong-royong.

## 8.3 Pembentukan Dasar Pembangunan Nasional (DPN)

<b>Latar Belakang</b>	<ul style="list-style-type: none"><li>● Dilancarkan oleh Tun Dr. Mahathir Mohamad, Perdana Menteri Malaysia Keempat pada 17 Jun 1991.</li><li>● DPN merupakan kesinambungan DEB dirangka untuk tempoh 10 tahun (1991-2000) melalui Rangka Rancangan Jangka Panjang Kedua (RRJP2).</li><li>● Merupakan usaha untuk menjadikan Malaysia sebuah negara maju berdasarkan Wawasan 2020.</li></ul>
<b>Matlamat</b>	<ul style="list-style-type: none"><li>● Untuk mencapai perpaduan negara melalui pengagihan kekayaan.</li><li>● Matlamat dilaksanakan melalui Rancangan Malaysia Keenam dan Rancangan Malaysia Ketujuh.</li></ul>
<b>Objektif</b>	<ul style="list-style-type: none"><li>● Untuk mewujudkan masyarakat yang bersatu padu dengan memperkukuh kestabilan sosial dan politik serta mengekalkan pembangunan ekonomi yang berterusan.</li></ul>
<b>Strategi</b>	<ul style="list-style-type: none"><li>● Ekonomi<ul style="list-style-type: none"><li>○ Pelibatan aktif pihak swasta dalam pembangunan ekonomi negara.</li><li>○ Melaksanakan program penanaman semula.</li><li>○ Penggunaan sains dan teknologi.</li><li>○ Meningkatkan pemilikan saham bumiputera.</li></ul></li><li>● Sosial<ul style="list-style-type: none"><li>○ Memberikan insentif serta kemudahan pendidikan untuk kemajuan masyarakat miskin tanpa mengira kaum.</li><li>○ Mewujudkan masyarakat perdagangan dan perindustrian bumiputera.</li><li>○ Membentuk masyarakat yang berdisiplin dan progresif.</li></ul></li><li>● Kemudahan Fizikal dan Alam Sekitar<ul style="list-style-type: none"><li>○ Menyediakan dan menambah baik kemudahan asas.</li><li>○ Pembangunan mapan tanpa mengabaikan alam sekitar.</li></ul></li></ul>

## Informasi

Rancangan Pembangunan Ekonomi Lima Tahun yang dijalankan di bawah DPN:

1. Rancangan Malaysia Keenam (1991-1995)
2. Rancangan Malaysia Ketujuh (1996-2000)

## 8.4 Pelaksanaan Dasar Pembangunan Nasional (DPN)

Strategi asas DEB diteruskan dalam pelaksanaan DPN, iaitu membasmi kemiskinan serta menyusun semula masyarakat untuk memperbaiki ketidakseimbangan sosial dan ekonomi antara kaum.

<p>Pembasmian Kemiskinan</p>  <p>Pelajar mengikuti latihan kemahiran ILP di Kota Samarahan, Sarawak.</p>	<ul style="list-style-type: none"><li>• Pemberian subsidi dan sokongan diteruskan kepada golongan penanam padi dan nelayan untuk mempertingkatkan produktiviti pengeluaran mereka.</li><li>• Golongan belia diberi latihan di agensi kerajaan seperti Pusat Latihan Kemahiran Giatmara dan Institut Latihan Perindustrian (ILP) bagi membolehkan mereka mendapatkan kerja yang berkaitan dengan kemahiran dan berpendapatan tinggi.</li></ul>
<p>Penyusunan Semula Masyarakat</p>  <p>Barangan keluaran pengusaha IKS.</p>	<ul style="list-style-type: none"><li>• Pembentukan Masyarakat Perdagangan dan Perindustrian Bumiputera (MPPB)</li><li>• Meningkatkan tenaga kerja dan penyertaan bumiputera dalam pengurusan sektor moden seperti pembuatan dan perkhidmatan.</li><li>• Latihan dalam bidang pengurusan harta dan etika perniagaan diberikan oleh agensi kerajaan.</li><li>• Pemberian kontrak, kuota dan lesen kepada perniagaan milik bumiputera dan syarikat usaha sama dengan bukan bumiputera turut dilaksanakan.</li><li>• Perhatian khusus diberikan kepada penyertaan bumiputera dalam IKS.</li><li>• Usaha sama secara aktif antara bumiputera dengan bukan bumiputera digalakkan untuk membolehkan syarikat bumiputera meningkatkan prospek perniagaan.</li><li>• Bagi membolehkan bumiputera bersaing dalam perniagaan moden, mereka akan didedahkan dengan teknologi terbaharu, di samping kemudahan modal, maklumat pasaran dan hubungan perniagaan dalam pasaran antrabangsa.</li></ul>

### Penyusunan Semula Modal Saham



Bangunan MARA, KL

- Penywastan syarikat perniagaan milik agensi amanah yang dikhaskan untuk bumiputera seperti yang berikut:
  - Majlis Amanah Rakyat (MARA)
  - Perbadanan Nasional Berhad (PERNAS)
  - Perbadanan Kemajuan Ekonomi Negeri (PKEN)

### Pembangunan Wilayah



Penggunaan teknologi dron bagi melancarkan kerja menyembur racun dan baja cecair di sawah padi.

- Malaysian Agricultural Research and Development Institute - MARDI ditingkatkan.
- Konsep pertanian pintar digunakan untuk meningkatkan hasil pertanian.
- Penyebaran industri terpilih digalakkan dengan mendorong sektor swasta menempatkan semula kilang tambahan di negeri yang kurang maju dengan kemudahan fizikal, pendidikan, kesihatan dan perumahan. Kawasan-kawasan ini akan menjadi pusat pertumbuhan baharu ekonomi yang dapat menyumbang kepada pembangunan wilayah.

### 💡 Informasi

#### Dasar penswastan

- Dilancarkan oleh Tun Dr. Mahathir Mohamad, Perdana Menteri keempat pada bulan Mac 1983.
- Bertujuan meningkatkan produktiviti serta kualiti perkhidmatan atau barangan.
- Mempercepat pembangunan ekonomi negara melalui pelaburan modal oleh sektor swasta.

#### Pertanian pintar

- Penggunaan teknologi pintar bagi meningkatkan pengeluaran hasil pertanian.
- Penggunaan biji benih berkualiti membolehkan sawah padi diusahakan 4 kali setahun dan meningkatkan hasil padi negara.
- Jentera moden digunakan untuk membajak dan menuai.
- Jentera dikendalikan menerusi alat kawalan jauh.
- Proses menyembur racun dan baja dilakukan dengan penggunaan dron.



## 8.5 Pencapaian Dasar Ekonomi Baru (DEB) dan Dasar Pembangunan Nasional (DPN)

### ASPEK SOSIAL

#### Penurunan Kadar Kemiskinan

- Pelaksanaan DEB menyebabkan kadar kemiskinan penduduk dapat dikurangkan daripada 49.3% (1970) kepada 17.1% (1990).
- Pelaksanaan DPN mengutangkan kadar kemiskinan kepada 7.2% (2000).

#### Peningkatan Kualiti Hidup

- Aspek pendidikan, pemilikan barang keperluan asas dan penyediaan infrastruktur seperti hospital dan klinik.

#### Kemunculan Golongan Pertengahan

- Golongan profesional, pemodal, teknikal, pentadbiran dan pengurusan.
- Perkembangan ekonomi menyebabkan keperluan terhadap bidang kerja ini semakin meningkat.
- Mereka dianggap sebagai golongan pertengahan dalam masyarakat.
- Kemunculan golongan ini menunjukkan dasar ekonomi yang dilaksanakan oleh kerajaan dan pihak swasta memberikan kesan terhadap meningkatkan taraf hidup rakyat.
- Masyarakat baharu ini memberikan sumbangan yang besar kepada pendapatan dan kemakmuran negara.

#### Masyarakat Perdagangan dan Perindustrian Bumiputera

- Golongan ini membentuk kelas bumiputera komersial yang melibatkan diri dalam sektor korporat.
- Muncul tokoh bumiputera dalam bidang perbankan, pemodal saham, pemilik syarikat, pemilik pelabuan dan usahawan muda.
- Memberi faedah kepada peningkatan taraf hidup golongan miskin dengan tawaran pekerjaan dalam syarikat dan industri yang dimiliki oleh golongan ini.



(Dari kiri) Tan Sri Mohd Effendi Norwawi, Ahli Perniagaan; Tan Sri Azman Hashim, Tokoh Perbankan; Tan Sri Syed Mokhtar al-Bukhari, Tokoh Korporat; Tan Sri Mustapha Kamal, Tokoh Hartanah.

#### Pembangunan Pendidikan

- Pertumbuhan institusi pendidikan di bawah kelolaan pihak kerajaan dan swasta.
- Muncul graduan dalam bidang sains, teknologi dan teknikal.
- Kebolehan dalam bidang ini amat diperlukan kerana permintaan yang tinggi dalam bidang perindustrian dan k-ekonomi.
- Pendidikan tinggi memperbaiki taraf hidup rakyat Malaysia.

#### Pengangkutan dan Perhubungan

- Jaringan sistem jalan raya, pengangkutan udara, kereta api dan pelabuhan yang moden merancakkan aktiviti ekonomi negara termasuklah ke kawasan pedalaman.
- Sistem pengangkutan juga memudahkan proses integrasi antara Semenanjung Malaysia dengan Sarawak dan Sabah.



Lebuhraya Pantai Timur 2

### Perkembangan Wilayah

- Jengka ditubuhkan melalui projek Segitiga Jengka oleh FELDA. Nama Segitiga Jengka digunakan dengan mengambil kira lokasi Jengka yang terletak di antara 3 daerah, iaitu Temerloh, Maram dan Jerantut.
- Pelbagai kemudahan perkhidmatan disediakan seperti pejabat pos, hospital, bank, institusi pendidikan, stadium mini, pusat perniagaan dan pejabat pentadbiran kerajaan.
- Terdapat kilang yang beroperasi di kawasan perindustrian di bandar ini seperti Kilang Alps, Kilang Bimbim Bank, Pembangunan serta bengkel kereta dan motor.



Kemudahan stadium mini yang terdapat di Bandar Tanjong Malai, Jengka, Pahang

### ASPEK EKONOMI

#### Perindustrian Berteknologi Tinggi

- Perindustrian melibatkan penggunaan jentera moden yang memerlukan kemahiran tinggi dan modal besar.
- Industri teknologi dikendalikan oleh The Heavy Industries Corporation of Malaysia Berhad (HICOM) yang ditubuhkan pada tahun 1980.
- Antara projek yang dilaksanakan termasuklah **membbaiki kapal** (Limbungan Pasir Gudang, Johor), **besi dan keluli** (Perai, Pulau Pinang dan Teluk Kalung, Terengganu), **loji gas cecair** (Bintulu, Sarawak), **stesen janakuasa** (Raub, Pahang), **kilang penapis petroleum** (Kerteh, Lutong dan Port Dickson) dan **satelit komunikasi**.



(Dari kiri) Stesen cari gali petroleum yang dikendalikan oleh Petronas Canggih, Zon Perindustrian Pasir Gudang, Johor.

#### Kawasan Perindustrian Baharu

Estet Perindustrian	Taman Teknologi Perindustrian	Zon Perindustrian Bebas
<ul style="list-style-type: none"><li>• Dibangunkan oleh Perbadanan Kemajuan Ekonomi Negeri (PKEN), Pihak Berkuasa Pembangunan Wilayah dan pihak swasta.</li><li>• Dibangunkan sebagai bandar.</li></ul>	<ul style="list-style-type: none"><li>• Merupakan pusat penyelidikan dan pembangunan industri Pusat ini di bawah Kementerian Sains, Teknologi dan Inovasi Malaysia.</li><li>• Kementerian ini menjalankan</li></ul>	<ul style="list-style-type: none"><li>• Merupakan kawasan perdagangan yang diberi pelepasan cukai atau tarif sebagai insentif.</li><li>• Tujuan: menarik pengusaha melabur dan merangsang ekonomi kawasan.</li></ul>

terancang yang mengandungi kawasan perumahan, pusat perniagaan dan perindustrian serta pusat rekreasi.

penyelidikan dan inovasi bagi membangunkan teknologi perindustrian.



Kulim Hi-Tech Park, Kedah

- sekitarnya.  
● Kawasan ini sering digunakan oleh syarikat multinasional seperti Sime Darby Berhad, Axiata Group Berhad dan Proton Holdings Berhad untuk menjalankan aktiviti perniagaan dan perdagangan.

#### Kenderaan Buatan Malaysia

- Industri kereta tempatan dipelopori oleh Perusahaan Otomobil Nasional (PROTON) dan Perusahaan Otomobil Kedua (PERODUA). PROTON ditubuhkan pada 7 Mei 1983 manakala PERODUA ditubuhkan pada tahun 1993.
- Motosikal dan Enjin Nasional Sdn. Bhd. (MODENAS) merupakan syarikat pengeluar motosikal nasional yang menghasilkan pelbagai model motosikal kecil 200 cc untuk pasaran tempatan dan antarabangsa.
- Perusahaan kereta dan motosikal nasional membuka peluang pekerjaan.



Proton Saga merupakan kereta nasional pertama yang dilancarkan pada 1/9/1985.

## TAMAT BAB 8